

欽
定
全
唐
文

欽定全唐文卷九百三十八目錄

杜光庭十

賈璋醺青城丈人眞君詞

蜀州宗夔爲太史於丈人山生日醺詞

宴設使宗汶九曜醺詞

遂府相公周天醺詞

親隨爲大王修九曜醺詞

果州宗壽司空因齋修醺詞

青城鄭瑱尚書本命醺詞

忠州詞
禹廟醮詞

楊神湍謝土地詞

蜀王仙都山醮詞

自到仙都山醮詞

李延福爲蜀王修羅天醮詞

羅天中級三皇醮詞

羅天醮太一詞

羅天醮嶽瀆詞

羅天普告詞

羅天醮眾神詞

蜀王本命醮葛仙化詞

莫令南斗醮詞

鄭頊別駕本命醮詞

孫遂司空本命醮詞

欽定全唐文卷九百三十八

杜光庭 十

賈璋醮青城丈人眞君詞

伏以岷蜀雄都西南巨鎮下蟠萬壑上拱九清爲造化之
殊庭乃神仙之奧府瑤宮璿闕深祕於洞臺翠壁丹崖仰
呀於雲霧高眞之所棲息上聖之所宴遊實掌休祥以福
寰海臣獲逢道化夙荷元慈慚無塵芥之功難報乾坤之
德而立身處俗易結罪尤往世此生寧無過咎五行三命
恐值災衰躔次星文慮爲臨照或冤仇所滯或債訟未明

有一於茲是用憂懼輒敢披心靈嶠稽首仙都輒備信儀
遙申禱祝伏願鑒其丹懇錫以元恩使景福潛資壽涯延
益災凶銷蕩罪咎蠲除冤債和寧祿祚繁永兼乞子孫嗣
續宗緒昌隆誓傾虔奉之心以答仙靈之祐不任

蜀州宗夔爲太史於丈人山生日醺詞

伏聞道化裁成天元立極申命真宰主張衆靈於是乎賦
命稟神流形挺質咸資籙籍以繫上元臣荷大道生成感
睿明倚注地分岷楚任極鈞衡功業所彰未裨於造化恩
榮所錫已冠於古今况屬天步艱難皇輿省狩恨不得手

扶宸極身衛帝車克定乾坤重清日月永安大寶以致中
興虔叩眞靈冀扶忠節仰惟青城巨鎮天國仙都羣聖依
棲列眞統制必能振揚神力驅役陰兵蕩災運而靜中原
拯橫流而匡大業爰遵祕格虔啟醺壇願迴不測之威以
介無疆之福使妖氛寧息帝祚隆昌鳳曆龍圖天長地久
臣積生咎釁未兆災蒙因此懺祈咸希銷解臣今年大小
二運俱在酉鄉與命辰對衝又火星所照旣臨分野仍在
身宮土躔厄會之方金伏乖背之宿年臨三殺之位仍當
六害之門恐災咎所加伏深憂惕惟憑醺酌以達精虔所

祈災數剋平忠誠大展盡報主酬君之節成摧兇定難之
謀光佐聖朝實佇靈祐不任

宴設使宗汶九曜醺詞

伏以二象炳靈三元運化稟形毓質仰資大道之仁賦命
受生率荷神明之德臣獲承元蔭叨遇休明累忝恩榮載
塵職祿顧勲勞而未立感寵澤以殊深而慎行謹身敢忘
惕勵運心屬念尚慮曠遺况所主重難務當宰膳宴賓犒
士須備烹羞撫眾訓戎時行懲賞實恐刑章之內或爽於
重輕庖割之中寧無於故誤因成冤債遂積罪瑕或往世

此生宿愆未解五行三命厄運未祛今年則暗曜土星在身宮之上天符五鬼臨行運之方火星近刑厄之宮金星躔剋性之位忽成疾苦久未痊除伏恐災咎方深叩祈無所竊惟至真濟物大道好生廣開禳謝之門俯示感通之力是敢按遵科典虔啟醮壇遍九曜以披心瞻列星而瀝懇伏冀天光下鑒聖造旁資解故傷誤殺之冤赦積世他生之罪銷平厄會清蕩災凶六氣宣通百疴痊復續將盡之福祿祚增延賜再生之恩算命延益公私昭泰眷屬乂寧仰望元慈不任

遂府相公周天醮詞

伏以虛無大道孕育於羣生天地萬神主張於庶品至於
誕形稟氣垂象炳靈咸資鼓鑄之功率賴生成之力臣內
惟涼德夙荷道慈勲勞未贊於聖朝寵遇已隆於藩翰隼
旗龍節疊奉殊榮相印兵符頻叨睿獎顧茲虛薄實切兢
憂每慮賞罰不明刑章不當舉措有乖於理體綏和未叶
於物情興修有土木之煩宴犒有烹燔之費故傷誤殺往
債宿冤兼此罪尤成其譴責或五行三命暗曜列星共結
災躔遂爲疾厄尚未痊復倍用驚危臣今年大運居衰氣

之鄉小運在馬破之位木星退身宮之上土星照三合之
方金水二星臨乖背之宿飛天火曜居本命之辰九宮土
星復當生月覩此災運深切禱祈是故按靈寶元科河圖
祕格設周天大醮懺謝上元伏冀萬聖感通眾神照鑒納
其懇志介以福祥解宿債前冤赦深災重過續其祚祿增
其壽年五星四景之中永銷危厄天府地司之內別注休
禎所疾蠲平克賜安豫益堅忠孝上奉君親卽仰荷眾尊
祐護之恩不任

親隨爲大王修九曜醮詞

臣聞垂象炳靈代天行化發揮道用昭著神功粵自剖判之初卽顯司明之力生靈動植咸賴元恩臣獲稟天慈深叨帝澤功業未酬於覆載寵榮已冠於人臣常慮綏撫乖宜賞刑有失金科玉律或爽於哀矜伐叛誅兇或輕於鈇鑕前代之冤讎未解此生之過咎旋彰於此省循常懷震惕又臣今年大小二運俱在對沖首尾蝕神皆爲臨照支干火木在衰氣之中天符飛行居驛馬之上併爲災滯尤切憂惶近則微恙所嬰尚未痊復希恩謝過倍切禱祈輒因本命之辰虔誠奉醮伏惟至聖俯鑒丹襟赦已往之罪

瑕解將來之厄會增延算祿和釋冤疑得以罄竭微衷扶
持大寶撫安疲俗匡贊中興誓傾修勵之心永答真靈之
貺不任

果州宗壽司空因齋修醮詞

伏聞三光麗天下司羣品死生是繫罪福攸司臣以塵微
仰蒙鑒祐而三命之內水火力微值辰戌魁綱爲天羅地
網二運逢墓併屬災期又火星到元首之宮暗曜在命宮
之位災數重疊憂懼殊深是敢遵按明科虔申醮奉仰崇
齋福精備醮祈三日恭嚴九時闕奏伏冀元慈俯燭洪澤

濡臨賜臣災運銷平凶衰超度克延祚祿允介福祥永保
乂安常加護祐奉親事主報國寧家誓罄丹誠上酬元澤
不任

青城鄭瑱尚書本命醮詞

伏以稟氣分靈全資大道挺生毓質仰繫上元報有盈縮
之期理協始終之分五行倚伏二氣推移實憑宰制之功
敢怠敬恭之懇臣今年火曜居本命之方九宮金星在行
年之上久躔疾苦未獲痊平竊慮履行運心有虧陰騭字
人育物有曠政經或積生釁咎未除或往世冤讎未解構

茲重厄無路懺祈况境控仙山地當洞府明誠可告眞鑒
難誣敢因本命之辰虔備醺祈之禮洗心謝過瀝懇希生
伏惟少駐鸞驂下臨塵壤愍其歉迫假以恩休輟死籍於
黑書再延命祿定生名於丹籙盡赦疵瑕冤債和平災凶
銷解公私昭泰眷屬安寧敢忘策勵之心上副眞靈之祐
不任

忠州謁禹廟醺詞

伏以三氣肇胎九元裁質清浮濁厚眞精鑠造化之鑪出
震乘乾大易啟乾坤之韞堯天繼覆舜日傳明五教允敷

未革懷襄之數四門是闢尚纏昏墊之憂惟我睿明拯茲
下土驅馳四載勤瘁萬方浩浩無虞百谷識朝宗之路巖
巖可仰羣山知維嶽之尊區別九州撫寧庶彙鑄鼎之功
既集錫班之報攸彰懋此宏勲光於終古臣夙承洪澤獲
奉仙祠巴雨巫雲捧臨瑤殿岷江楚澤瑩蕩瓊階願迴疏
曠之慈俯鑒虔祈之懇探經玉洞展醺靈岑副蜀王遐祝
之誠遂微臣歸還之願不任

楊神湍謝土地詞

伏以道氣分光元功宰制下鎮靈化上配列星萬聖之所

宴遊羣仙之所棲息肇於厯劫以逮茲辰玉女上賓認香
泉於江滸元元駐駕留玉局於城隅耀天日之祥華以安
井絡啟洞宮之徑隧以福坤維爲錦都靈勝之墟乃蜀國
神仙之府而繕營久曠蕪薈幾侵清壇爲蹂踐之場闕殿
染臙腥之雜我蜀王迴開神鑒矚此元關遽命澄清俾其
嚴飭拂烟煤於石壁早挹仙儀雜蒿篠於荒階再窺靈洞
邇後累加締葺漸獲精新堂宇相望樓臺櫛比復還門闥
俯及康衢夕磬晨鐘得以備朝修之禮朝香暮火得以申
蠲潔之儀報德何階感恩有自輒陳醺祝冀達眞靈伏惟

廣灑神休大頒嘉貺增聖主遐長之算寧謐萬方延蜀王
椿桂之年又安三蜀連營將校各崇竹帛之勲比屋生靈
共樂和平之化龍神悅豫稼穡豐穰疵癘無侵鋒鋌永戢
其有薰腥穢瀆穿鑿侵傷承此懺祈咸蒙銷解臣等佐時
濟俗行教立功奏御上通遵修咸契公私貞泰眷屬利安
然願往化法流先師舊德冥關無滯道果速圓內外職寮
陰陽將吏遷功加品永贊福庭克宏至道之風常荷尊靈
之澤不任

蜀王仙都山醮詞

伏以眞精表瑞元氣分形積秀氣於人寰凝爲仙嶽集幽
奇於物外儼設洞天上屬星辰下福邦國由是瓊宮珠闕
祕邃難窺羽蓋霓幢飄飄特降二真人三都跡顯九鼎功
成白晝登眞丹霄控景威靈益振物象長新寶冊眞經琅
函玉篆貯靈宮而作鎮與嘉躅而常存遐想元風遙馳素
懇今以三川觀化累遇干戈鳳札龍書靡存於魯壁虎符
龜籙難訪於秦坑大教凌夷所宜宏拯是用翹慙翠巘稽
首白雲申醺酌之儀冀神仙之鑒輟鶴洞緘藏之本爲人
天宗奉之經佇建殊功却還舊所竊惟道無不在法許流

通仰望鴻休允諧丹款亦願潛迴禎貺普及寰瀛元元之
祚允繁昌聖主之宮城匡復九圍寧謐萬彙昭融臣境宇
乂安生靈康泰災躔自息算祿增延永持忠赤之心上副
至真之祐不任

自到仙都山醮詞

伏以元化既分茲山作鎮前臨楚望旁控巴城眾流迴環
嚴設龍蛇之府羣峯拱衛秀爲真聖之都二真騰翥於前
朝千載昭彰於懿躅巖巒蔽日松檜參雲禎祥時耀乎簡
編福祉潛資乎邦國蜀王扶天茂續命世雄姿八國二江

早列封圻之內黔城楚硤皆歸陶冶之中惟此仙山光於
境寓仰靈蹤而稽首遙展誠祈望闕境以馳心虔修醮酌
將以求書禹穴佇逢八會之篇探簡洞庭願值五符之訣
敷宏奧蹟演暢真宗况屬大教凌遲中原多難俾其紹習
須俟流通某躬泛長波式遵成命焚香昭告願鑒丹誠所
期汜水橋邊不獨傳於漢相典陽泉上豈止授於干君捧
秩西歸中興聖教不任

李延福爲蜀王修羅天醮詞

伏以道冠虛無功先覆載陶甄有物亭育無私綿劫歷以

長存後天地而悠久裁成不竭生化彌彰臣風荷元休克承道運功輕塵露任重台衡數千里之山河周旋六鎮十七年之臨撫宰制一方每虞福過爲災力微成釁兢榮循省憂懼難勝况復大駕未還中原多壘訓兵勵士徒懷於報國勤王望闕馳心其奈於天高日遠微勲靡効孤懇何申今復大遊四神方在雍秦之野小遊天一仍臨梁蜀之鄉地一次於坤宮月孛行於井宿仰茲緯候緬彼災蒙深慮鳳輦鸞輶百二之關河未復陵園寢廟九重之城闕猶虛惟切禱祈佇迴鑒祐是用按依元格遵鍊明科修黃籙

道場設羅天大醮九清三界咸陳懺謝之儀天真地靈備
展奏祈之禮普日月星辰之域遍山川嶽瀆之司畢罄齋
莊用期通感伏冀天尊降命聖祖貽休俯借神功載康國
步鴻圖克固鼎祚中興齊北極以常寧比南山而共永臣
允承天澤長奉唐年享椿松延廣之齡竭金石忠貞之節
境無災沴歲洽豐穰雨澤不愆干戈不作龍神安鎮士庶
乂寧幽局霑開度之慈絕域慕和平之化誓宏清淨以答
眞靈不任

羅天中級三皇醮詞

伏以元蓋上浮黃輿下鎮元精降瑞應運開圖握六紀以
君臨恩周率土體三才而司牧惠洽羣生塞寰區而聲教
攸傳亘古今而光靈不泯臣謬膺天澤作鎮坤維荷覆燾
以難勝誓忠貞而有守屬乾綱未舉天數中微瞻雲而河
洛方遙捧日而山川尚阻徒傾丹赤莫展勤勞今又大遊
四神在雍秦之分小遊天一次梁蜀之鄉地一鎮於坤隅
月孛行於井宿考遵緯候伏切憂虞是用披按明科修崇
黃籙備羅天大醮祈三界真靈願假神休共迴天數使忠
貞義烈振風雷埽蕩之威文武尊神借戡定經綸之力重

昌祚厯永息妖氛九圍覩清晏之期三蜀荷安寧之賜災
祛未兆福降無窮動植存亡同臻恩祐不任

羅天醮太一詞

臣伏按厯緯今年大遊四神在雍秦之分小遊天一次梁
蜀之鄉地一屆於坤宮月孛臨於井宿仰披天度緬屬災
期省已拊心伏增憂惕是敢按遵元格崇啟壇場修黃籙
寶齋備羅天大醮輒披元蘊敷露真文伏冀尊神迴景上
元貽休下土旁垂禎貺永息災躔賜臣封境乂安龍神輯
睦生靈康泰遠近昭蘇疵癘無侵干戈弭戢唯虔修奉上

副神功不任

羅天醮嶽瀆詞

伏以二象昇淪剛柔定位三靈恢廓川岳裁形坤儀彰厚
載之功品物荷資生之德雖混淪莫極猶虞九六之期廣
博無疆以繫屯亨之數今以陰陽所運歷緯所甄天一小
遊旣移於梁蜀四神太乙亦次於雍秦地一屆於坤宮月
孛行於井宿仰惟天度伏用震惶竊以臣叨荷寵恩久司
藩屏封圻六鎮襟帶重江水惟四瀆之尊山居五嶽之長
仙壇靈化皆驂虬馭鶴之蹤珠岸金堤乃禹導秦通之野

眞靈攸處祥應實繁必介休符以副虔祝是敢齋陳黃籙
醮啟羅天冀眾聖之垂光會萬靈而降福共安天步永奉
帝圖蕩昏瞠於神京重瞻聖日混車書於海宇克保唐年
臣境土安寧生靈舒泰邊無烽燧俗洽謳歌息未兆之災
躔解已往之愆咎誓虔砥礪以答神功不任

羅天普告詞

伏聞元功宰制道化宣行稟象流形凝神運氣天覆地載
爰起於渺茫日照月臨肇分於萬有至於陰陽升降劫歷
推移乾坤有九六之期烏兔有盈虧之數將期拯護允仗

眞靈臣以微躬遭逢昌運叨塵異渥踐履殊榮龍節虎符
攝封壤山河之重金科玉律掌生靈性命之權常慚撫育
非才每以滿盈爲戒而屬中原多難天步方艱社稷綴旒
寰瀛塗炭訓齊武旅徒懸報國之誠追遞神都莫得扶天
之路今者稽求歷緯考察經圖大遊四神方在雍秦之野
小遊天一傍臨梁蜀之鄉地一屈於坤宮月孛躔於井宿
緬維天度彌切憂兢是敢披靈寶簡文按河圖品格設羅
天大醮開黃籙寶壇仰金闕玉京虔祈萬聖遍竇中象外
普告衆靈馳意馬以披心託香龍而薦懇冀蒙鑒佑允降

威神伏惟三界諸天四司五帝乾元主宰地府尊靈降陰
陽不測之神假變化無窮之力神兵密助眞應潛彰大業
中興萬方安泰皇基永固四海澄清埽彗孛於長空勦鯨
鯢於巨浪常瞻聖日共載堯天賜臣境域安寧災凶弭息
五兵韜戢四氣均調黎元無瘥疫之虞稼穡有豐登之望
三川六鎮士庶龍神克洽歡康同臻貞吉其有幽魂滯識
六趣三塗沐元澤以生神詣朱陵而受福存亡開度動植
蘇舒誓傾忠孝之誠仰副神明之鑒不任

羅天醮眾神詞

伏以人爲神主神依人以變通神福於人人資神而讚祐
承天統地有國有家惟古及今率由斯道我大唐皋陶種
德聖祖垂休光宅中原傳二十帝元風扇於萬寓皇澤浸
於九圍徧彼羣倫咸蒙覆燾而運鍾艱否時屬播遷天數
未寧帝車未復忠臣義士皆懸報國之心望日瞻天敢怠
勤王之志今以小遊天一躔梁蜀之鄉大遊四神在雍秦
之野月孛行於井宿地一次於坤宮緯候所明兢憂是切
是敢按遵元格披考靈科修黃籙寶齋設羅天大醮下窮
九壘上極三清嚴陳懺請之儀願假感通之應伏惟尊神

眾聖憫鑒丹誠雷發神威風回景貺埽欃槍於碧落殄氛
翳於皇都永固鴻圖中興大業次願封疆分野銷解災蒙
祛厄會之期致和平之氣龍神輯睦風雨均調疵疫無侵
戈鋌允戢誓勤握政上副神功黍稷馨香必虔於蠲潔蘋
蘩蒹藻克展於齋莊瀝懇陳情不任

蜀王本命醮葛仙化詞

伏以元穹列耀上表於龍星方局裁形下分於仙化實司
命籍以統人倫臣獲稟元機夙臻景祐早承寵渥牧此烝
黎綰六鎮之封疆德慚涼薄控諸化之靈勝誠切欣榮常

虞政理之乖莫副真仙之鑒今屬太乙行運分野慮災或
臨梁益之方或在雍秦之境月孛躔於井宿地一災於坤
隅稽考緯書伏增憂懼况歲當丁卯是臣元命之年月屆
仲春是臣稟命之節詣本命之化以本命之辰虔備香燈
精申禱祝伏冀元尊憫矜眾聖鑒臨騰素歛於上宮錫鴻
休於下土帝圖興復息災期而輦蹕還秦境寓康寧銷否
運而禎祥介蜀俾罄報君之節允符憂國之心百穀豐登
羣生和泰龍神貽貺疵疫無侵臣七祖生天年齡增永誓
宏道化以答靈恩不任

莫令南斗醮詞

伏以元道聿分化機肇啟清濁定昇淪之位陰陽運刑德
之樞南斗主生垂吉昌而勸善北宮紀死編罪惡以繩非
神明用之以化人帝王用之以致理纖微不失今古攸同
臣宿稟真謨仰宗元訓敢忘勗勵以自秉修而叨備官榮
屬茲多事雖加勤恪實有懼於曠違徒切兢憂固取譏於
尸素誅奸瘴惡或舉刑章或督懲憊或施鞭楚犒士或開
其宰戮宴賓難廢於烹燔恐因故殺誤傷遂結深冤厚疊
又臣行年所歷小運逢災宿曜所躔火星爲照月臨申未

天符居本命之辰位對丑寅飛旗當衝破之地慮成厄會
彌切震驚雖省已循懷寬刑慎行減饌節酒遠色防非猶
慮凶咎未蠲福祥莫應恭披典冊虔詣靈山按南斗文儀
法上元分緯九微燈影星羅遠擬於六星一德香烟雲色
高連於三素竹殿旣招其虛實松軒可降於真靈向此披
心敢期符祐伏願六宮上聖輟死籙以延生五緯尊神碎
禍車而流福冤尤銷解災厄和平骨月安寧境邑康泰風
雨調順穀稼豐登寇盜不興沴瘥無作所請靈寶玉篆赤
帝天書伏願解臨照於南丹錫恩慈於下土永承貞吉以

遂禱祈不任之至

鄭頊別駕本命醮詞

伏聞元天垂象斗極居尊統萬彙以無私御四時而成歲
下司命籍總制吉凶有感必通有祈皆應臣粵自童丱竊
仰威靈以七星爲天地之樞五氣爲裁成之本主張禍福
制錄鬼神傾心每奉於上元有醮必存於北斗疊蒙昭祐
累降禎祥動若影隨事猶響答至或願捐所職謝病尋醫
或懼履禍機違凶就吉或雪志於侵誣之際或滌瑕於猜
忿之中潛瀝懇於長天暗馳誠於永夜至眞在鑒有願咸

從而多事所縈靈恩未報常期精潔冀啟醺筵今者天徇
深衷神諧夙望幸叨攝任獲在仙鄉玉闕瓊都咫尺封隅
之內凝嵐積翠高低城邑之旁況屬命辰仍當秋景遂得
躬披松檜深躡雲霞展三獻之禮容猶申公務酬積年之
祈禱兼遂私心省分循懷旣榮且忭是敢奉持詞款營備
香燈雖澗蘋行潦之微難迴聖鑒在隨感赴機之德願納
愚誠所祈答已往之恩佇將來之澤賜其貞吉介以康寧
俾縣境無虞農功有歲人和俗阜遠睦邇安臣或本命五
行災衝所及天文九曜臨照所經或政理有所未明賞罰

有所未當新冤往債故殺誤傷竝乞蕩除永承恩祐不任
孫途司空本命醺詞

伏以二氣肇分五行運化鼓陰陽之橐籥執生死之樞機
亭毒無私陶融靡倦司短長於五帝校善惡於三官維斗
居尊總御羣品臣自維幽陋仰荷裁成獲備冠裳每憂叨
竊遵素儒之明訓守元聖之格言尚慮動息成非行藏乖
道難階福善易結過尤仍恐三途推移或逢災數九曜躔
次或在厄宮況今年天符臨勾絞之方小運當伏吟之位
十三宿內月孛所經大運行年猶居衝破以茲疑懼恐履

災凶敢用本命之辰虔申醺謝伏惟眞聖俯鑒誠祈赦已
往罪尤和冤釋結錫將來福祉增祿延年眷屬寧康公私
和泰卽永荷眾尊慈祐之恩不任

欽定全唐文卷九百三十九目錄

杜光庭 十一

李仇中丞本命醮詞

張道衡常侍還願醮詞

周庠員外爲母轉經設醮詞

莫庭乂爲張副使本命甲子醮詞

駱將軍醮詞

馬尚書醮詞

馬尚書本命醮詞

司徒青城山醮詞

馬尚書本命醮詞

莫庭乂青城本命醮詞

莫庭乂青城甲申本命周天醮詞

莫庭乂九曜醮詞

川主相公北帝醮詞

川主相公周天后土諸神醮詞

葛仙山化醮詞

川主九星醮詞

中和周天醮詞

程德柔醮水府修堰詞

川主醮五符石文詞

蜀王爲月虧身宮於玉局化醮詞

安宅醮詞

八節醮詞

都監將軍周天醮詞

欽定全唐文卷九百三十九

杜光庭 十一

李仇中丞本命醮詞

伏以二氣陶融三元生化裁成品物亭育羣方受命稟形
上繫天府至於壽算遐促祿祚短長立身有罪福之因行
運有吉凶之數天司地簡主宰無私臣伏恐三命五行或
逢災咎九星七曜或值照臨陰陽有刑剋之期祿算有凶
衰之會又恐積生所犯冤債未除積世所行過尤旋結常
情罔測神道難知非託醮祈無由解釋輒因本命之日虔

金定全集卷之二十一
備香燈仰元象以披心對星壇而瀝懇敢希至聖俯鑒丹
誠三官落罪簡之文五帝削災妨之籍臣宿瑕蕩滌積釁
銷平輟死北宮上生南極天曹增祿司命延年眷屬和寧
公私清泰卽荷眾聖之恩不任

張道衡常侍還願醮詞

伏聞垂象九天流光萬有帝車周運聖力遐通裁四海以
無私福羣生而不宰惟祈必應有願克從臣頃以大順二
年遭逢危厄憂逾蹈火危甚履冰旣難保於朝昏敢望全
於形命元元丹懇啟懇無門惟注念蒼穹冥祈元斗潛興

大願冀贖深災果蒙大道鑒臨至眞通感垂好生之澤開
罔極之恩獲洗罪尤盡消冤戾仰天慈而積感報元造以
無階旋屬公役所拘道途無暇歲華累改誠願未申況復
水陸經過江山往復幾逢倣擾頻值艱危幸脫鋒鉞免罹
凶橫皆承廕護倍切兢榮今以本命之辰於玉局靈化詣
北斗七元之殿當元卿大帝之前虔備醮壇恭酬往願昔
所許奏錢若干貫請至今年八月五度奏納取畢伏惟斗
中眾聖元府上司鑒顧丹誠曲迴鴻造使宿願周備賜靈
澤遐霑赦過除災延祥介福年祿增益危厄銷平眷屬乂

安公私貞吉卽永荷斗極眾眞覆祐之恩不任

周庠員外爲母轉經設醮詞

伏聞三洞寶經九天眞訣虛無凝炁混合成文龍篆鳳章
發舒杳冥之始瓊編玉檢敷宣天地之先大則制御乾坤
保鎮劫運安寧祚厯昭祐帝王次則和輯五行調平六氣
蠲邪度厄濟物利人遵修則災咎可銷諷誦則禎祥可降
臣等以母行年衰厄疾苦所嬰憂懼但深告祈無所敢憑
元聖披瀝丹心伏願勅三寶威神命侍經寮屬解五行刑
剋却三命凶衰增祿南天延生司契六府調理百病痊平

永垂覆祐之恩克享遐長之福謹以玉局化轉經設醮冥叩至眞不任

莫庭乂爲張副使本命甲子醮詞

臣聞天道無親輔茲有德功或及物福必無涯當川安撫副使張琳奉主無私酬知盡節初終一致雖風雨而不渝籌畫萬端越歲寒而彌勁頃以四郊多壘兩鎮稱兵物力將虛經費逾廣厚斂則生靈必困薄賦則供億不充出自良謀豐其軍食糗糧山積戈甲雲屯人不告勞物無失所益振貔貅之勢佇成弔伐之功但以張某三命之中猶逢

災厄二運之內甲祿氣微天符臨本命之宮土星逆愁煩之位慮爲災咎輒罄誠祈爰託皇壇旁希元祐伏願十華降福三聖迴光錫善貺於諸天災殃自息蕩過尤於九府祿算增延永俾安寧共康藩屏臣情誠迫切冒瀆高明不任

駱將軍醮詞

伏以二氣清寧表天地章具之道五材倚伏荷乾坤成育之恩至於命籍短長祿祚豐薄立身罪福行運吉凶莫不上自天司旁資元命主張考校巨細無遺臣竊恐列宿五

行躔次有照臨之咎九宮三命陰陽有厄會之期以此憂
兢恐成災厄今以立冬令節祈福良辰虔罄丹誠精陳醮
禮仰天闕而瀝懇瞻地府以冥心佇降恩慈曲流洪福使
災凶殄息過咎蠲銷錫以嘉祥增其壽祿落罪書於北府
紀生籍於南昌眷屬安寧幽明康乂回翔天路長親日月
之光棲息人寰永沐真靈之祐不任

馬尚書醮詞

伏聞厯象推移運三元而成歲陰陽變化資大道以宣功
澤霈幽明事均今古其有宏仁秉義體順和光則天錫禎

符神彰吉貺或動乖守慎志協回邪乃蹈彼艱虞兆茲否
塞影響之報理實昭然臣猥以庸虛早塵職祿雖肅恭自
立畏慎推誠常懷聚鷁之譏每懼維鷁之誚况復訓齊戎
伍祇奉藩垣鋒鏑猶施鉦鞞未息摧堅挫銳徒申擒討之
謀故殺誤傷慮構幽冤之咎以茲屬念深用寘懷今則秋
帝考功地官校籍罪福咸舉毫末無遺或臣有塵忝之非
有殺傷之故有六情之罪有三業之辜有注訟未除有冤
讎未釋事題黑簿名挂陰曹乞垂悔謝之緣竝降蠲消之
澤俾其克勵得以自新至於宿曜垂災行年值厄亦希超

度獲保乂安上祈九祖生天三塗離苦飛沈遂性生植無
傷四方之戈甲早寧萬戶之農桑畢就俗聞謠詠野息氛
埃咸歸清淨之風大洽希夷之道虔修醺酌懇薦章詞遙
祝仙壇仰望眞祐不任

馬尚書本命醺詞

臣以庸微叨承宿運謬參職秩繼忝官榮統御戎車襲行
條令或剋收境邑除蕩奸兇外禦寇讎內綏疲瘵而宴賓
犒士須有宰傷去弊誅邪必資刑律誠非徇已務切安人
竊慮斬決之間重輕有失傷殺之際故誤難明以此憂惶

恐貽譴責又慮臣行年三命或值凶衰宿曜五星或逢臨
照因其厄會遂履凶危又恐九祖幽儀未蒙遷拔六親滯
識猶有拘留緬長夜以魂驚念陰關而心懼思罄歸依之
懇仰申薦奉之誠輒憑本命之辰式備資薰之力冥心靈
化遐想寶壇陳醺禮以肅恭貢章詞而精禱伏冀元元錫
祐大道流慈光開泉曲之庭詔下鄧都之府使九元超度
眾苦蠲消生神碧落之天蛻影朱陵之洞福延後嗣惠被
宗親其有往世愆瑕無窮冤對咸承懺滌竝使和平乞臣
罪簡落書生宮注籍災凶弭息祿算遐長兼祈福介川源

澤覃遠近戈鋌早戢疵癘不生野復耕桑人歸富壽洎乎
沈潛異質冥漠殊庭同沐元風咸昇道域誓虔丹懇永奉
鴻慈不任

司徒青城山醮詞

伏以灝氣漸凝羣山挺秀高扶宸極厚鎮坤輿惟彼西南
上通參井結靈積瑞含藏日月之華疊翠推嵐包括神仙
之宅位崇衆嶽秩亞三山爲天下之福庭冠域中之勝概
崇臺比立黃軒之祕跡猶存巨浸旁分大禹之神功可覩
每彰符應以祐生靈頃屬雨澤踰旬泉源全涌丹崖翠巘

雖傳隕圯之聲紺殿彤軒靡有震驚之變緬茲羣異益驗
光靈臣叨荷殊恩膺茲重寄綏撫之能未著兢憂之懇常
深恐臣過咎所招仙嶽降異常之兆災蒙所襲神峯垂警
告之祥夙夜省循若據冰炭莫展披陳之路惟虔禱謝之
誠輒按明科恭申大醺庶蒙鑒祐以贖愆違不任

馬尚書本命醺詞

伏聞元化運行三才資始體乾坤而成象感陶煦以凝神
由是懸命籍於天關繫生死於斗極其有行藏巨細舉措
纖微八靈伺察以無遺十值考讎而畢至善功潛著則名

列仙曹過目所彰則書編鬼錄用茲懲勸以導於人其惟
本命尊神主張校錄緬思元旨實切稟修臣猥以凡微曾
無機畧唯奉公克已效命爲時未展勞能累驚塵忝揣循
增懼委任益深况封畿戈甲之餘隴畝榛蕪之後疲羸未
復瘡痍未平撫之則濡沫纔通撓之則溝渰甫及而驟司
六邑務彼三農暑耨寒耕雖勤劬於人力有秋望歲殊仰
俟於天時但罄丹心禺祈元祐敢因本命之日虔申醺謝
之儀所祈眞聖鑒臨福祥臻萃赦臣叨據之苦獎臣肅奉
之誠使鋒鏑早寧京坻有積人無疵癘之苦年祛水旱之

虞俾臣九祖超昇三塗清宴其或宿曜運行之厄歲年刑
剋之災淫刑濫賞之非故誤殺傷之咎竝希昭祐普錫蠲
消永誓歸依以酬眞貺不任

莫庭乂青城本命醮詞

伏以稟氣分形上資元化主算定祿仰繫眞曹臣伏恐履
行之間或貽愆咎年運之內或遇災凶非仗神功難申懺
滌輒干眞鑒虔備醮儀頃以此山嶽瀆上司神仙福地洞
裏之玉樓金闕塵俗難窺人間之古殿荒臺蹤基易變梁
摧蟬竦瓦落鴛鴦若無營葺之興已雜蒿萊之徑某叨居

宰宇竊備繕修既俾功庸仍申藻績圖五嶽九江之像貌
河侯溪女之眞肅穆冕旒駢羅珠翠如登貝闕似挹驪宮
旣輝煥於素垣益深嚴於元德所冀少城天府永賴休禎
秋報春祈克承嘉祐敢因元命之日虔修讚祝之筵伏惟
應念迴軒分靈降澤錫臣以增延祿算助臣以消解災凶
兩地之骨肉安寧一境之生靈蘇泰誓傾丹悃上副元慈
不任

莫庭乂青城甲申本命周天醮詞

伏聞妙本應期元精啟運三光分照萬有陶形圓清方濁

之間遞爲主宰日域星躔之內各備職寮大則司劫厯弛
張小則察人倫善惡有逾衡鏡無隱鋒毫竊惟九室洞天
羣真會府丹崖蕩日翠谷呀雲鸞旗之所往還霓節之所
遊集叨膺宰宇獲詣仙山雖食蘗苦心飲冰潔已功應無
補過必彰聞況於咫尺之中敢罔真仙之鑒更慮九辰行
運三命推移福善不常災凶靡測拳拳素懇若履顛危輒
因本命之辰載申祈醮之禮天衢地壤水府星宮咸罄血
誠仰祈明祐伏乞解災釋過延貺垂祥壽祿惟增凶危自
息已往則九天開度見存則兩地安寧一境生靈同承福

廢兵車休駕封部無虞長欣靜謐之期永荷靈眞之澤不任

莫庭乂九曜醮詞

伏以二象分華三元列曜司悔吝吉凶之契操死生罪福之權主宰無遺幽明咸繫臣自惟凡昧風奉正眞叨荷寵章獲忝位祿循涯省分常懼於曠官恤物安人敢忘於勵已尚慮動違恭愼日積愆瑕上瀆眞靈潛貽厄會又恐五星進退四曜運行或居身命之宮或臨惡弱之位况臣今年天符臨於命卦木星未出身宮第二十宿中蝕神所歷

小運行直又值天羅竊憂福過災生命衰祿薄按河圖內
品太元祕文瀝懇貢詞披心備禮仰華蓋儀璘之闕若對
九芒瞻星辰日月之宮盡傾丹款伏冀宸光下燭開昏晦
而洗沈冥靈景延暉碎禍車而焚罪網使年齡克保品秩
攸昇一境之士庶康寧兩地之親緣安泰仙山表貺人無
瘥疫之傷靈府垂禎歲有京坻之望唯虔素悃上答元功
不任

川主相公北帝醮詞

伏以七政上尊五靈元老位司北極部制中天至於地分

吉凶天文災福五行六氣三命九宮萬彙慘舒咸歸考校
臣以兵戈旣久殘瘁逾年念彼生靈痛深肌骨敢因醺謁
載罄祝祈瀝懇紫微叩心元象寶希憫鑒俯降禎祥消沴
氣於郊原退災星於井絡一川康泰萬有昭蘇永戢戈矛
惟新祿算九天霧卷重披日月之光三蜀烟清再播雲雷
之澤卽仰荷帝君憫護之恩不任

川主相公周天后土諸神醺詞

伏以天府名區少城奧壤龍神福地天帝雄藩豈以凡微
叨茲臨鎮而謬分朝寄總此封疆十載於茲日深兢懼但

以粵初莅任便屬艱難黃巾犯秦翠輿幸蜀行朝萬眾駐蹕五年力盡扶天誠深報國功宣匡復以及迴鑾其間有跋扈稱兵盱眙竊發秀昇擁師於下瀨郭琪奮臂於中軍咫尺乘輿震驚輦轂上資睿武旁假神威相繼克平以安大駕感茲靈祐常貯血誠今則時未底寧人方肆亂帝車順動又幸陳倉中原有焚燎之災六合靡晏寧之所雖誠深憂國志切匡君難申嵇紹之忠山川杳隔空投袁安之淚扈衛無由緬想神功必垂濟助爰申醺禮仰冀靈通希迴助順之恩共安天步少借害盈之力遠掃兇渠復黃屋

於上京延寶圖於萬葉椒漿之奠永答明慈臣不任瀝懇
披心虔請之至

葛仙山化醮詞

惟彼仙山鎮茲坤壤八十一洞分日月於地中二十四峯
繚烟霞於天際潛司罪福以統生靈臣夙慕元徽早崇清
靜躬逢聖日旣叨輔贊之榮夢想靈山常貯逍遙之志尚
縈多事徒鬱素懷今節及仲秋禮當望秩遐瞻翠巘杳隔
紅塵虔備醮壇用申誠祝伏冀虎旗龍旆遠辭八極之宮
鶴馭鴻膠聊降二仙之駕歆茲薄禮錫以殊休俾稼穡有

年凶災不起幽明共福家國咸安比帝祚於崇岡續唐年
於劫歷必期修潔以奉靈光不任

川主九星醮詞

臣聞九元御極綜列宿於紫微七政垂光統眾星於黃道
指攝提而臨萬象運招搖而主百靈生死吉凶咸繫司牧
臣以受年之時此月火星及暗曜星皆臨本命以茲戰
悚恐蹈災危敢以丹誠上祈元祐虔修大醮備瀝微衷伏
惟九聖延慈乘帝車而降福七真垂貺迴杓建以祛災二
十八宿行藏皆資祥慶一十二宮分度永息屯蒙誓勤忠

赤之心以答靈眞之念不任

中和周天醮詞

臣以庸虛猥當大任極台衡之秩居藩屏之崇雖傾捧日之心莫著匡君之績頃以四郊多壘中國不寧戎馬載馳兵車尚駕或近臣肆逆或遠鎮辜恩纔滅梟巢初迴鑾輅又聞薄伐再致省巡凡在人臣豈勝憤惋惟炷香冥想望聖祖之貽休拜表祈眞待陰兵之助役果見僞王孽相連頸殲夷兇帥朱玫繼蹤斬馘緬維幽讚更切明誠近又太乙運行已照蜀分五星移度或在身宮慮薄德所招卽凶

災沴至常加惕勵罔敢違寧遂有鄭君雄韓球兩地結連
遽興兵甲隔絕恩信凌犯關防殘掠生靈焚燒郡邑數州
塗炭千里傷夷憫此幽冤痛深骨髓臣所以上祈至道明
禱真靈志先憂國憂人誠匪爲家爲已由是上天悔禍大
道降靈包藏者尋就誅鋤黨附者皆從剪撲封疆繼靜凋
瘵旋蘇韓球敗亡君雄梟戮漸通道路將雪冤沈尚以交
刈之時殺傷非一仰體好生之旨震悼何安俯嗟遊岱之
魂淒涼莫已是用凝神叩寂拜手歸心陳謝恩謝過之儀
憑祝地祝天之懇庶祈元聖曲鑒丹誠輝映清壇降流洪

澤蠲除愆咎弭息災凶使生者又寧幽途開泰臣又聞眾
星拱極百谷朝宗蠢彼不庭敢違天道更鄰近境綿亘數
州山寨相望久爲兇逆欲恃其蜂合蟻聚之勢仗鋤耰白
挺之徒垂二十年不賓睿化擬因揭飭之便將申破竹之
功爲國除奸爲人除害重希神力克震軍聲鄴都以三十
萬兵常祛沴氣洞泉有二十五將潛制妖徒正道殛邪神
明助順敢緣斯旨再罄赤心伏惟俯鑒奏陳克迴明祐使
昌瀘梓遂永無蛇豕之災草木藂林盡化鋒鋌之狀咸知
帝力主復王謠然後論賞龜城拜章鳳闕發弓解甲歸馬

休牛長諧魚水之歡克暢君臣之道明明血懇大道鑒之
不任歸命祈恩屏營憤切之至謹詞

程德柔醺水府修堰詞

伏聞大道垂功裁成品物真靈設位主宰羣生至於水府
明神山林正職各司罪福以庇烝黎當縣地控上游素名
劇邑賦輿重大耕稼茲繁堤堰所防安危是繫某所修堰
分當彼濬流自汎溢以來累有摧壞雖俾夜作晝竭力焦
心旋有葺完尋聞傾陷豈水脈所注不可備防豈龍神所
爲未容障塞憂惶迫切無所告祈且食乃民天人爲邦本

或虧秋稔必致年凶况天府膏腴勢連下瀨少城戶口旁
接通波若爲侵軼之災必有泥沙之變救茲墊溺須仗元
威伏惟大道開恩明神流鑒愍其農畝念彼生靈迴不測
之神功借無私之聖力特垂濟護俾獲安全使黍稷永豐
京坻有望息襄陵懷山之禍叶年豐俗富之期蘋藻効誠
敢負靈貺不任

川主醮五符石文詞

三寶開光五文孕化凝水火木金之氣成雲霞龍鳳之書
保制乾坤鎮寧天地洎乎降傳下土濟護羣生夏禹得之

以成功仲尼奉之而興詠有家有國罔不遵修所以服御
神祇鎮安川嶽禳除氛沴清肅宮城至於居宅之興亦在
鎮禳之例臣頃於所部特創新居旣畢巨功爰申大醮按
河圖品格依靈寶文儀篆刻真符清修香火所冀解銷犯
觸安集正神名彼靈官永垂擁衛伏惟元元鑒祐眾聖流
慈勅勤職司錫其禎貺居止寧泰眷屬康安分近天皇大
火之鄉况屬身宮或鄰對照捫心震惕循已驚虞是用瞻
本命福山仰列仙靈化厯三元而禱祝遍九曜以虔祈伏
冀洞府神真披香奉御元元尊聖垂澤降臨賜臣以景貺

禎符解臣以災期厄會克承祐護允洽康寧上願皇業天
齊聖圖嶽鎮伊川洛汭運叶中興八水三山俗諧昭泰戢
鋒鋌於九野共文軌於萬方臣得勵忠貞永扶英睿不任
蜀王爲月虧身宮於玉局化醮詞

伏聞大道縱靈元和肇化燭三光而上列運六氣於中天
播裁成字育之功物無不遂持寒暑暄涼之柄政無不均
所以五星秉大帝之符司明罪福十神行太乙之令統御
吉凶律歷難欺古今所秉臣遭逢聖運塵忝殊榮山河控
井絡之雄封壤握坤維之重常虞福過實懼災躔今則涼

欽定全唐文

卷九百三十九

李元度

五

德靡修太穹垂戒月朔則太陽薄蝕當對照之方旣墜則
太陰變虧在身官之位飛天火曜臨於命辰干祿納音仍
逢衰氣恐成災咎彌切憂惶是用遵按元科勵精丹懇奉
香羞於玉局陳醺禮於瑤壇仰三景以希恩普周天而禱
福伏冀昭彰俯鑒盱蠻垂休錫禎貺於三命五行解災期
於身官分野至有故傷誤殺往債宿冤咸賜蠲除永俾貞
吉上願皇圖悠久聖壽延長還秦符大漢之隆宅洛契宗
周之盛干戈偃戢夷夏昭蘇得傾報國之心克叶自天之
祐不任激切虔祈之至謹詞

安宅醮詞

伏聞道氣流布三才乃分陰陽陳變化之機水木肇相生之象巢穴之風旣替宅宇之作遂興順二氣以營修體五行而制度實資神化大庇生靈臣以庸愚不明元理因時改作隨力興修土木之功曾無避忌穿鑿之處深有驚喧或抵犯王方或背違天道致使龍神未守居止非宜恐迫凶衰更延災厄謹歸心大道稽首三尊按靈寶明科修五帝大醮虔恭懺謝拜請符文懺已往犯觸之非祈將來安寧之福伏冀二儀介瑞五帝垂祥凶惡蠲除龍神鎮守人

口清泰動靜康寧營造興工常蒙利祐公私和暢眷屬又安卽永荷太上眾尊五帝祐護之恩不任

八節醮詞

伏以大道垂化元氣流形鼓鑄羣生有清濁剛柔之異舒張八節定春秋冬夏之方所以考校吉凶司明罪福惠旣周於家國恩亦普於存亡臣等獲值昌期早欽道化資神功而生育荷聖力以裁成竊慮處俗立身寧無過咎前生今世必有懋瑕或五行三命之中遭逢厄會或暗曜明星之下因值照臨以此兢憂輒思祈醮爰逢令節同竭丹誠

是天元啟候之期當大聖延慈之日翹心靈化稽首瑤壇
精潔香花虔恭醺祝伏冀高尊鑒祐眾聖哀憐垂罔極之
慈賜無疆之澤使積生罪惱累世冤讎已往憊非將來厄
運乘八節自新之力降三宮肆赦之恩竝賜蕩除永錫貞
吉使臣九元七祖受福祉於南宮眷屬親緣落死名於北
府公私和洽壽祿遐長卽永荷眾聖祐護之恩不任

都監將軍周天醺詞

伏聞大道混融羣材昭著陰陽升降吉凶之理肇分善惡
循環罪福之文是啟玉虛大帝金闕元皇申命真靈俾其

主宰三官五帝爰居勸沮之司南斗北元以統死生之錄
洪纖備舉億劫無差所以丹簡元經有修禳之祕訣祈天
悔過有懺滌之明科竊仰宏慈敢陳微願臣獲膺宿會運
偶昌期猥以凡庸遭逢異寵伏念戴清履濁寓世立身事
主奉親自家刑國雖忠貞勵節勤瘁在公而休祉難臻愆
違易集況臣頃因扈衛時屬艱憂豺豕欺天氣霾蔽日層
巖瑞氣但布護於帝車九陌妖塵正昏蒙於輦道乃忠義
奮身之際是人臣效命之期得以手捧天樞身排鯨浪克
寧皇極以罄丹心遂叨非次之恩遽荷重難之寄連營貔

虎千里提封慚無監撫之能但切兢憂之懇竊恐臣前生
今代厯劫以來未達正真動成罪戾或上虧天理下犯地
宜中忤人情旁違物性十躔外積三業內興或助順除奸
誅邪佐命或故傷誤殺秉法持綱或星曜運行時逢臨照
或三命經歷因值衰危八卦九宮有刑妨之數冤讎債訟
有考對之文幽晦常情眇然難測惟資修奉上叩元虛冀
獲感通克承覆祐是用按河圖真格披正一靈科溥海嶽
以貢誠遍乾坤而瀝懇恭陳醺禮以展肅虔伏惟三寶迴
光眾聖流鑒赦其宿過錫以殊休罪簡蠲消生名列品和

金定公集卷之五
老方集三ノ
平冤債清蕩災凶九元七祖同霑洪澤六姻九族咸沐元
慈俾川境安寧生靈輯睦俗無疵癘野有謳謠幽府冥司
神輝朗徹飛行蠢類惠渥滋濡上願國步夷平聖躬和暢
五兵弢偃萬寓乂康鑾旗早復於秦京象法重懸於魏闕
瞻天望日言發心馳不任

欽定全唐文卷九百四十目錄

杜光庭

十二

眾修本命醮詞

張道衡還北斗願詞

行軍僕射醮宅詞

眾修補三會醮詞

皇帝設南斗醮詞

皇帝周天醮詞

醮瀘州安樂山詞

金史卷一百一十五
醮名山靈化詞

鎮江侍中宗黯解纜醮水府詞

周庠員外填本命醮詞

大王本命醮葛仙化詞

大王初修葛仙化告真詞

親隨司空爲大王醮葛仙化詞

冉處儔還北斗願詞

紫霞洞修造畢告謝醮詞

洋州宗夔令公本命醮詞

又本命日醮詞

越國夫人爲都統宗侃令公還願謝恩醮詞

司封毛絢員外解災醮詞

張崇允修廬山九天眞君還願醮詞

張崇允本命南斗北斗醮詞

漢州王宗夔尚書安宅醮詞

馬師穆尚書土星醮詞

欽定全唐文卷九百四十

杜光庭 十二

眾修本命醮詞

伏聞大道垂光三靈資始人天設位萬化互分稟氣有清濁之殊賦運有吉凶之異昏明旣判罪福亦彰於是太上宏慈元尊愍護南極闢延生之府北都陳銓善之科兩曜列星布無私而照燭三官五帝開大宥以君臨蓋欲使共洽無爲俱臻清靜品登道果名列眞階臣等叨沐神功幸逢昌運聞元儒之妙旨履仁義之康衢坐挹堯樽行歌睿

德揣躬省已榮抃實深但慮往劫此生立身舉措動成違
戾率忤幽明六情之愛染難祛三業之愆非易積文昌簡
上未紀善名鄧部官中已標罪目又恐行年災咎宿曜加
臨或土木興功犯干禁忌或故傷誤殺結聚冤尤遂使暗
奪年齡潛消福祿非憑勝會難寫深誠今屬白露凝神清
秋屆節是懺罪祈眞之日乃延恩致福之期輒率慕同誠
歸依至道齋持法信稽首靈壇遍天府以披心望星宮而
注想伏冀三元上聖十界眾尊南極威神北臺寮輔念其
虔懇降以光靈流福祚於存亡息災凶於永遠使臣等九

元七祖咸得生天五族六親竝蒙安泰罪瑕除蕩祿壽延
長門宇清寧運求諧遂五行三命永無刑剋之災私室公
庭長荷利貞之福不任

張道衡還北斗願詞

伏以元象垂光物無不照帝車周運感無不通臣以幽微
仰蒙鑒祐頃以大順二年身陷危厄性命是虞輒瀝丹心
上祈元造遂發誠願奉錢十萬貫文旋獲安寧克蒙清雪
螻蟻之生已保真靈之澤未酬尋以奔迫道途辛勤南北
難逢良會莫報宿恩冰炭在懷寢食增懼今則歸心靈化

稽首瑤壇虔備香燈精修醮酌自今年四月至今月五度
奏錢滿十萬貫兼於玉局化北帝殿塑造北斗真君像薄
修功德用申素懇上答元恩伏惟聖慈曲賜昭納使誓圓
昔日願滿茲辰宿罪蠲消餘災蕩滌冤讎和解年祿增延
公私叶貞吉之期眷屬享乂寧之福存亡咸泰品彙霑恩
不任

行軍僕射醮宅詞

伏聞大道融真天尊演教赤明御運靈寶開圖八會成文
凝結太空之表五符流跡昭宣大有之中五帝受之以度

人九天得之以定位降於下土護國濟人摧伏兇妖誅滅
邪惡凡所興造皆許遵行臣頃以營繕所居土木將畢恐
有干犯難備考詳竊按元科請行符命修崇黃籙關奏清
都刻五方大帝之文依三洞鎮禳之格下告五土上奏九
微伏願眾聖垂慈萬靈孚祐勅命符吏頒示職司降以威
靈布其真氣蕩除魔怪安靜龍神八卦九宮五行六甲陰
陽刑殺太歲將軍各鎮方隅永祛災咎其有伏尸故氣金
土邪精滯爽游魂幽靈暗魄各乘善力俱遂逍遙克保安
寧永臻福祐不任

眾修補三會醮詞

伏聞人之稟生資於二氣陰陽定體魂魄守身稍或愆和
卽成災否三會之日是三魂攢奏之辰罪福吉凶纖毫無
失增壽奪算賞罰甚明所宜積善除非立功補過用祈吉
應以保遐齡元聖格言真經明訓敢不遵守以戒身心臣
等數年以來於下會之日共申祈醮以罄焚修昨者迫以
塵緣運違佳節中心憂惕不敢遑安今則別選良辰旁招
善友同營香火特展醮祈靜夜寒更冥心注念真經必降
誠願冀通伏惟萬聖迴光千眞鑒映錫其禱祝除彼災凶

制魄拘魂各遂修生之望迴凶變吉咸開遐永之程臣等
或三命衰微九宮厄滯或星文照臨災運縈躔或宿債未
平餘殃未息或故傷誤殺積過深瑕俱乞蕩除克賜昭祐
合家蒙福九祖生天公私有通泰之祥眷屬荷乂安之澤
不任

皇帝設南斗醮詞

伏以三光麗天照臨萬有眾星垂象統御羣形南斗文昌
實掌生籙爲正陽煦物之本乃帝王壽命之司按天元上
清等經若五月五日值丙午之辰則啟福延恩濟生利物

和寧品類安鎮邦家陽德所資普享其福今年以火水金
土四星聚於實沈之墟又逢日度所經皆爲順伏五月合
朔太陽當蝕而不蝕洎乎旣望太陰當虧而不虧斯乃五
日得丙午之辰純陽所應顧惟寡昧欽荷元功慙化理之
未周念聲教之未普敢祈流貺以及微躬所願大道延慈
上天錫祐俾九州四海俗泰民康年豐而太氣均調候正
而四時和暢弢弓偃革歸馬休牛咸臻保命之祥克廣好
生之德冥心丹禁稽首元壇瞻八景以低臨冀九光之遐
燭鑒茲醺酌介以禎休辰輝炳靈幽讚之功已著人天交

感協和之氣可期混一車書大同寰宇式虔祇荷上副元
慈不任

皇帝周天醮詞

臣聞風雨霜雪之不時則星辰示象蘋蘩蒹藻之可薦乃
天地垂休緬是前修實爲通論臣恭臨大寶虔奉丕圖不
敢違寧若臨冰谷而頻移圭律七變槐檀慮兆庶未康恐
一物失所或刑政乖謬或恩信未孚干戈猶駐於疆場正
朔未同於夷夏水旱不節富庶未臻昏墊札瘥繼聞於羣
縣盜賊欺誑尚恣於鄉閭雖則務嗇勸分貶食省用不邇

聲色永絕畋遊瓦器蚌盤敢忘於刻已雉頭虎魄豈事於
娛情猶慮上曹重書厥罪顙蒙有愧首謝無由近則金火
二星水土兩曜併聚蜀分皆次實沈日月爲薄蝕之期朔
望却史臣之筆太陽順伏分野垂休豈此禎祥併歸冲渺
益勵退修之志彌彰戒懼之心敢因午日之嘉辰聊答上
元之厚貺靈官渺邈紫府深嚴雖昭告之備申慮誠明之
莫達齋潔選日懇悃陳詞寂寂元壇儼威儀於乙夜飄飄
仙馭降福祐於人寰伏冀八表乂安黎民清泰邦家鞏固
社稷永寧六府孔修九功攸敘簪裾奉職書軌同文不任

醺瀘州安樂山詞

伏以楚蜀連封西南重地江馳萬派嵐積千峯天帝以之
會昌龍神以之固護惟茲奧壤獨擅雄名三層燭煙月之
光八洞闕靈仙之宅常宏勝利以祐蒸人年無旱潦之傷
俗保安貞之吉致沂沿之攸濟獲絲枲之蕃豐銜三觀威
靈荷二眞慈貺傳諸遠近載彼經圖翹首注心共歌元澤
臣名拘輦轂望切林泉每憐素豹元猿常戲芝巖桂岫延
頸企踵跡滯神遊輒贊微香遙陳孤懇臣以所居北帝院
齋醮所給鐘簾未周雖申降福之儀幾闕飛霜之韻始聞

仙山之內法器且多旣無考擊之期虛備鏘洋之美道隨
誠感鐘固可移願減有餘資其不足輟於翠嶽遷就皇都
清聲漸遠於彤雲洪響佇聞於紫禁願俞誠祝永鎮京華
謹差正一弟子張諫卿奉詞陳請以聞不任

醺名山靈化詞

伏以大道融精是分二象元尊布化以播萬靈咸稟運於
裁成共輯寧於邦國欽哉羣望實總休禎伏自應天順人
開基創業雖未致昇平之理而幸成庶富之鄉四國爰來
百辟咸在人心允若天意昭然而或教失義方情牽慈愛

付彙盛之大任委監撫之重權庶人元膺益恣冒襟都忘
孝敬用奸邪之扇惑興背叛之兇狂矢石欲及於乘輿金
鼓近喧於侍從猶賴上天垂祐靈化降祥不容梟獍之心
坐矜豺狼之黨未更昏旭悉已蕩除中外再寧寰海稱抃
爰擇良日仰報威靈遠申昭告之誠輒罄潢污之薦敢期
鑒祐永叶安貞不任

鎮江侍中宗黯解纜醺水府詞

伏以道化所覃神休普被上惟邦國下及人倫咸資拯護
之功潛假保持之力古今無爽水陸攸寧臣猥以常材叨

逢聖運經綸締構慚無竹帛之勞渥澤超昇累荷乾坤之
造遽蒙睿獎顯授兵符登韓信之齋壇授呂侯之金鉞錫
茅分閭推轂專征省循徒切於兢營倚注靡容於陳謝選
辰練日邁命啟行况楚硤上游錦江下瀨舳艫則千艘亟
駕沂沿則萬派爭奔實用真靈總斯陰騭皇帝宸襟所屬
每切敬恭思布化以睦鄰亦申謀而懷遠雄師銳旅首在
此行將解纜以乘流爰潔誠而致醺伏惟元元大聖五老
高尊命靈將元司助洪休巨福迅浪皆期於利涉驚湍盡
變於安流萬里通津百神加祐克昌大業更廣鴻基外屏

呀玉洞以藏雲聳瓊巒而蔽日彩霞朝散神燭夜飛乳滴
幽巖泉鳴深竇九井之光靈自顯三眞之胎蠻常存拱鶴
觀於中方應龍星於上境紅軒紺宇舊制相望蕭殿韋碑
古跡鱗次每彰休瑞以及寰瀛臣以本使蜀王元命之辰
配屬茲化頃申締葺遽獲周圍飛閣層樓奪晨輝於峭壁
風窗雲棟增異境於崇林再敞洞天用安錦府四十州之
封域歲稔京坻五千里之山河俗臻富庶人皆受賜孰不
知恩臣曲荷陶鎔實深造化唯虔禱祝少答恩慈輒備醺
筵上祈道力伏惟九天孚祐眾聖鑒臨下燭丹誠廣垂洪

澤三川鏡廓八國塵清稼穡蕃登災氛蕩滌神傳靈藥克
享於遐年功讚聖朝永隆於大寶再安社稷常福寰區臣
不任禱福希恩虔誠歸身之至謹詞

冉處儔還北斗願詞

伏以垂象上元照臨下土帝車運載杓的指揮罪福吉凶
咸歸主宰臣等頃因銜命遠涉道途踐歷艱危登臨險阻
每持丹懇潛祝元眞果蒙鑒祐之恩克獲安寧之貺仰承
靈澤志切上酬敢因某日之辰虔備焚修之禮炷香答願
拜荷元恩仰冀高眞採納微款祛災蕩厄增祿延齡來往

坦夷公私貞吉路岐無滯眷屬咸安常親日月之光克奉
休明之主不任

紫霞洞修造畢告謝醮詞

伏以大道希夷神仙變化示無方之妙用垂不測之元功
幽讚帝王潛扶邦國惟今及古史冊煥然所以唐堯姑射
之遊軒后具茨之謁周穆之登瑤水漢皇之幸崑山皆披
眇煙霞瞻窺冰雪是用享年遐永致理和平克振宏休允
彰道祐顧惟涼德啟創丕圖金闕玉京敢急敬恭之禮九
清三境每懷寅奉之誠粵以永平二年壬申七月二十一

日丁卯漢州什邡縣獲太上老君錫命識文留玉篆於仙
居刻銅符於厚地生辰命屬時日姓名敘奕世之蟬聯明
卜祚之延久四年八月二十四日戊子利州團鍊使王承
賓奏此山靈洞顯見神仙遂命威儀任可言高品楊知淑
專申告謝仰答光靈十月一日甲子纔啟醮筵再聞應見
雲旌羽旆參差崖壁之中鶴態神儀羅列洞門之內事邁
於崑山瑤水美超於姑射具茨祇荷禎祥彌增震惕是用
考諸典禮特舉封崇以是月甲申改道長山爲元都山陽
謨洞爲紫霞洞景谷縣爲金仙縣封元都山神爲玉清公

創厥壇場鼎新觀宇自初揆構逮於畢功累見真儀益彰
靈貺謹遣金紫光祿大夫左諫議大夫廣成先生蔡國公
杜光庭等一十二人賁信幣香花按元科具典於紫霞仙
觀修金籙道場況屬下元允當大節式陳昭謝再顯旌封
伏惟洞府眾聖高真仙官寮宰鑒茲丹懇錫以元休使九
土乂寧萬方平一天宮地府常垂愷悌之恩卜世享齡克
叶延洪之福稽首謹詞

洋州宗夔令公本命醮詞

伏聞誕質流形成資大道稟生賦命必繫上元荷乾坤覆

載之慈均氣運陶甄之力惟精修勵寅奉眞靈伏念臣獲
以微塵累叨皇澤入參輔衛出領藩維曾無涓露之功常
切滿盈之懼今則厯象之內身宮之中暗曜正臨火星對
照慮成厄會無所告祈竊惟太上垂文元皇設教正一著
修禳之品河圖有陳醺之科苟罄精勤必蒙昭祐敢因本
命之日爰伸九曜醺祈蠲潔丹心歸依元極伏惟衆眞大
聖俯鑒明誠蕩滌罪瑕解除冤債消平災厄延續年齡增
祿祚於南宮落凶衰於北府洗心克已上酬眞聖之恩奉
國推忠永答君親之德臣不任

又本命日醮詞

臣聞天地之德以生爲先生成之恩以福爲本臣叨承福
會獲奉昌期蒙三光照燭之慈荷聖主儀隆之澤便蕃寵
遇履歷顯榮每虞於福過災生惟切於持盈約已彌增惕
懼豈敢遑安今則躔次之中身官之位火星對照暗曜正
臨仰垂象以冥心何階告謝顧微生而勵志但切憂兢是
敢於本命之辰備河圖醮禮虔披丹悃冀降元慈伏乞賜
臣災咎消平凶衰殄息壽年增益祿祚豐延得傾嚴奉之
誠永答至真之祐

越國夫人爲都統宗侃令公還願謝恩醮詞

伏聞至道元通隨機赴感冥丹心於下土動元鑒於上清
響答無私影從靡隔妾夫王宗侃男承肇等去年以統戎
伐叛助國勤王俯迫孤城遽淹旬月烽煙警急音問寂寥
瞻襄沔以魂馳望山川而目斷憂危徒切祈叩無門遂虔
詣道宮乞申章奏嚴陳法席降請天兵肸蠁感通眞靈保
祐俄開堅壁大破兇狂成掃蕩之功副聖明之獎骨肉團
聚師旅凱還克平實自於睿謀護助亦兼於道力輒因良
日昭答元休重申章醮之儀式罄謝陳之禮精心備信拜

手然香仰真駕於三十六宮祈大儀於八十一好庶祥輝
烜爚低臨壇墠之前巨貺滂洋永錫邦家之吉聖圖遐永
舉族蕃昌誓勤嚴奉之誠克副靈真之煦不任荷聖謝恩
虔切之至

司封毛絢員外解災醮詞

伏聞道氣宣行元功鼓鑄三靈資稟乾坤司覆載之權五
緯操張寒暑柄推遷之運由是挺生賦命咸繫天關福善
禍淫畢由神化是宜恪勵以奉靈休粵自幼沖卽逢聖日
便蕃異獎寵沐殊恩北省南宮亟榮於踐歷紆朱曳紫已

極於輝華常推報國之誠每切律身之戒尚慮陰陽揆課
或值凶衰厄曜運行或爲臨照興功動土有忤於龍神履
行立身或虧於畏慎未申祈懺倍用兢憂今則立運臨於
命辰天符飛於艮地大運在戌仍值魁罡土星方伏於身
宮所照對衝於丑位懼成災咎彌用驚危伏聞南府文昌
主生銓善非宮斗極舉過懲非吉凶無爽於錙銖報應有
同於懸象真教開懺陳之格惟感必通元經垂醮謝之儀
有祈皆應輒因吉日虔備醮筵披瀝丹誠冀迴真鑒伏乞
賜臣解消災滯蠲釋凶衰厄會平夷過九除蕩更增祿算

允介福祥誓勤忠孝之規上答君親之念永銘素懇祇荷
元慈不任謝過祈恩懺災之至謹詞

張崇允修廬山九天眞君還願醮詞

伏以軫翼雄區匡廬眞躅位尊五嶽地控九江玉闕金城
包括神仙之奧府鑪峯雲蓋合藏眞聖之高都宛然凝碧
之中迴秀洪波之上每申瞻禱必介福祥臣頃歲以謫宦
九重漂蓬一葉途經閔境心禱上眞翼迴濟祐之慈必備
椒漿之獻精誠旣啟肸蠭垂徵尋以路阻戈矛波驚艫艦
孤帆有隔假道言歸常貯素誠未酬元祐今則頒宣聖澤

棲憩蜀都尋禮道宮追思宿願輒申醺酌恭達明誠竊聞
惟感必通道無不在期迴羽仗豈云萬里之遙稍降科車
不以三川爲遠納茲丹懇顯錫鴻休前願克圓殊恩遐被
乞爲臣更蠲罪錄永削災躔成匡堯讚禹之功享二首六
身之壽得傾忠孝以奉君親誓當備勵虔恭歸依道力不
任

張崇允本命南斗北斗醺詞

伏聞三靈肇位萬象稟形體陰陽之至和韞天地之真系
於是挺才賦命各有職司主死領生互分關鍵纖微具舉

考校無遺臣伏慮前世今生至於累劫愆違易結罪咎旋
彰秉持未契於神明履行或虧於恭恪因星文臨照值年
命凶衰遂構災危罔知禳謝今則躬依玉化虔對瑤壇選
卜良辰肅陳醺禮伏冀南宮六聖別賜生名北斗七眞明
祛死籍三官消罪五帝除災酬往願於名山降休祥於聖
澤又臣旣頒詔命將赴闕廷江山有登泛之憂水陸有舟
車之險實資明祐俯契深誠獲達帝鄉克賜元吉敢忘修
奉上答眞靈臣不任

漢州王宗夔尚書安宅醺詞

伏聞太極肇分三靈設位巢穴之風旣替棟宇之制聿興
太古聖人隨時立教蓋所以庇寒暑燥濕備風雨晦明其
後象類滋繁擬議殊廣錯之以乾坤震兌體之以徵羽宮
商推彼陰陽運其刑德乙辛庚癸互列職司子午丑寅旁
羅主宰六神四殺之界龍虎交馳五黃九紫之鄉禎祥藂
萃法覆載而成用揆星日以程功乃考吉凶實聞顯據所
以鵲隨太歲燕避將軍况在最靈敢忘戒懼臣頃以所居
室宇淋陋非宜遂卜良辰再申締構取諸大壯棄彼僭奢
慕剪茅築土之風佩山節藻梲之戒圻墁云畢土木告周

竊慮畚鍤所興或違禁忌功用之際或犯神靈乖五姓之
宜虧二宅之要或侵傷地脈或穿鑿岡原或污瀆吉神或
鎮壓凶位因成災咎曾未懺陳是用詳按元經勵精丹懇
虔修大醮恭請真文啟靈寶赤書依洞元符命辟斥凶惡
安復龍神謝過延恩祛災請福伏冀三尊降鑒五帝垂光
勅八會威靈命三元將吏保寧宅宇清肅方隅赦已往之
罪尤賜將來之貞吉允膺祐護永遂乂安其有住宅之中
土地之主古今遷易五姓雜居因此醮壇兼申奠祝散茲
誠禮各保逍遙往陟福庭勿爲疵癘俾臣舉家蒙澤九族

同榮常傾忠孝之心以奉君親之德不任

馬師穆尚書土星醮詞

伏以一氣分華三光摘耀照臨羣品司牧萬方遵黃道而有常麗元穹而不紊大則繫乾坤劫厯邦國興亡否泰所宗安危攸屬次則繫人倫善惡年運吉凶祚厯短長咸歸主宰臣以身宮之內土曜所經本宿之中暗虛所厯大小行運皆值衝妨命位之鄉天符所駐災危重疊疾厄嬰纏徒訪三醫未祛久疾恐是積生罪目構此凶衰往世愆違成茲滯厄或理務之所刑賞不明立身以來過尤結集神

明咎責年命屯蒙夙夜憂兢願申祈謝是用考詳躋緯披
按科文恭詣靈壇虔修醺禮仰中方而瀝懇瞻列象以馳
心拜手炷香披誠悔過伏冀元司眾聖垂大有之慈至道
高尊降載生之澤蠲除罪犯解削災期和釋冤讎銷平殃
對使百關宣暢六氣均調疾苦痊瘳福祥臻會延生南斗
落死非宮克承覆祐之仁敢負真靈之貺